

近代中國史料叢刊第七輯

沈雲龍 主編

韜菴老人自訂年譜

勞乃宣著

文海出版社印行

教會老人

自訂年譜

羅振玉署

1912年

序

勅庵尚書與先府君訂昆季之交尚書之甥  
又玉之從姊夫也故兩家爲世好同治丙寅玉生  
于淮安寓居公適游淮安與于湯餅之會嗣後  
公作宰近畿光緒庚子始南歸玉年三十有五  
矣始於滬江脩謁嗣是常得侍杖履又十年宣統  
元祀公以四品京堂留京玉亦備官學部侍從  
尤密辛亥冬公任大學堂總監督玉督農科國  
變旣作玉避地海東公則隱遯涑水又移居曲  
阜移青島迹日疏而神愈親書簡往還殆無虛月  
又八年己未玉歸自海東寓居津沽歲或一再脩  
謁則公年將大耋玉亦垂垂老矣今年六月  
公旣歸道山仲冬篤文兄以公手訂年譜至屬

爲校理謹讀一過爰書數十年間與 公安誼于  
端至 公平生爲醇儒爲循吏斥拳教於星火未  
燎之時爭法律于彝倫將斁之日論政體于凶燄  
方張之世古人所謂不惑不憂不懼惟 公安當之  
無媿色此則當世君子皆能知之言之無待玉之  
瑣瑣也辛酉十二月姻世愚姪上虞羅振玉謹書

韋盒先生遺像



執齋先生像贊

泰山自稱真不如東海勞若泚齋諒  
思心切之物比是詩於國為君子里一矣  
矧而未遂也復今刻遺像而務高家  
霜野蕭條緩若松濤峭寒風多獨  
立寒暑莫差以道遠長安絕於終古  
以禮規兮昌報法於萬邦

烟墨弟此曹極祥題



韜叟自訂年譜

道光二十三年癸卯一歲

韜叟姓勞氏名乃宣字季瑄號玉初自號矩齋  
又曰韜叟勞氏古爲勞山之民以地爲姓世居  
山東明初自樂安遷陽信曾祖觀察公嘉慶間  
官江蘇糧道祖正郎公寓居蘇州以浙江桐鄉  
縣青鎮勞氏爲宋時同族因入桐鄉籍先大夫  
倉曹公官直隸滄州減河主簿丁憂開缺是年  
與先太夫人居外祖沈西雍公廣平府任所九  
月二十三日午時生於府廨生卽出嗣於胞叔  
先嗣考功甫府君

二十四年甲辰二歲

在廣平

二十五年乙巳三歲

在廣平

二十六年丙午四歲

母舅花淑公官江蘇丹徒縣知縣外祖解官就  
養於南吾母挈隨南行三妹生於舟中至蘇州  
寓居母舅調任震澤從往縣署震澤與吳江同  
城是年始入塾從師邵叶辰先生

二十七年丁未五歲

在吳江

二十八年戊申六歲

母舅調金匱從往沿所金匱與無錫同城

二十九年己酉七歲

在無錫從師沈開之先生是年江南大水

三十年庚戌八歲

在無錫從師李蘭申先生宗少雲先生

咸豐元年辛亥九歲

先大夫任江甯布政司倉大使從之任所途中  
游金山時金山猶在江中也從師高翼哉先生  
二年壬子十歲

在江甯從師趙斗南先生

三年癸丑十一歲

正月聞髮逆之警由陸路避居金壇二月江甯  
城陷旋至吳江冬至蘇州居新橋巷

四年甲寅十二歲

在蘇州移居侍其巷附從程亦秋先生讀書

五年乙卯十三歲

在蘇州三妹塲伯姊適王氏從先太夫人至嘉興省視外祖厚菴先兄乃寬入縣庠

六年丙辰十四歲

先兄赴直隸就姻於范氏先大夫從軍鎮江在劉公存厚營隸江蘇巡撫吉爾杭阿公麾下被圍於高資鎮吉公死之劉公戰歿先大夫投水遇救歸蘇州移居常熟而病十月卒於常熟後以軍營積勞病故議卹廕一子入監讀書因吾兄已入學予承廕監生是歲送柩厝於蘇州先塋從母復返蘇州居駙馬府堂

七年丁巳十五歲

在蘇州移居小倉口附從余曉雲先生讀書學爲制舉文

八年戊午十六歲

在蘇州從施雲門先生課文移居撫轅東

九年己未十七歲

在蘇州附從李先生讀書外祖母歿於如皋從先太夫人赴其喪舟行至常熟福山海口遇大風幾覆不敢渡返蘇復由江陰渡江至如皋從外祖返蘇州仲姊適孔氏外祖居於陸園從先太夫人往依之

十年庚申十八歲

二月杭州失陷蘇州告警三月從外祖由福山口渡海至通州四月蘇州城陷母舅鑑亭公權釐於泰州冬從外祖赴泰州仲姊歿於泰州

十一年辛酉十九歲

在泰州外祖卒締姻於孔氏奉先太夫人從外  
舅悅庭公乘舟北行將就姻於曲阜行至宿遷  
聞捻逆之警折回泰州賃屋而居家有十三經  
刊本卷帙散亂欲整理之而不知其次第於友  
人彭燮堂處借十三經策案一書以資檢核閱  
書中見有小學近思錄爲求學階梯之說求之  
書肆有其書而無力購買乃以家藏詩文數種  
易之而歸日夕玩誦始知學問之道爲之憬然  
汗下從此始志於義理之學

同治元年壬戌二十歲

復依鑑亭母舅而居以客座西廂爲書室室爲  
曲尺形因自號爲矩齋奉母赴上海寄居鄒氏  
先兄舉順天鄉試

二年癸亥二十一歲

奉母附南潯輪船至天津遵陸至保定時范楣  
孫公爲保定知府先兄之外舅也兄館於署中  
賃屋奉吾母子從外舅孔公至曲阜就姻先室  
孔夫人來歸從袁石齋先生習制舉文是年蘇  
州克復

三年甲子二十二歲

在曲阜長女緇生至保定省母入都鄉試首場  
漏補詩草被貼由通州保定返曲阜是年杭州  
江甯俱克復

四年乙丑二十三歲

是年浙江補行咸豐辛酉科並同治壬戌恩  
科鄉試赴杭州應試由曲阜乘驪車至韓莊易

小舟至臺兒莊又易舟至楊莊乘人力小車至清江易舟南行過淮安晤王氏姊過蘇州時甫克復見諸親支恍若夢寐至桐鄉起文到杭州與雲溪堂兄承慶同寓鄒氏試畢同至洞庭東山時鄒氏堂姊之翁鄒蓉閣公官東山司巡檢在山盤桓數日同回常熟時伯父寓常熟榜發中式第六十三名赴杭州填親供時七叔父署吳江同里司巡檢先至同里小住乃至杭州在杭聞先嫂歿於保定事畢由蘇州而常熟而泰州在鑑亭母舅處度歲

五年丙寅二十四歲

正月由泰州至淮安王氏姊家以外舅在蘇州命往辦捐務報銷事又回蘇州事畢返淮安以

捻警未能北上秋日乃偕王聽樵同舟至濟甯而返曲阜八月挈先室孔夫人及女緝歸保定時先太夫人居保定陳家胡同先兄從范公在大名道任所也

六年丁卯二十五歲

在保定教讀於恭甄甫太守家生徒三人瑞璫瑞璣瑞璣次女紡生

七年戊辰二十六歲

正月捻逆北犯保定閉城守禦南皮祁州均陷二月始解嚴入都會試不第返保定至大名道范公署中教讀生徒四人一為范公子崇威三為范公外孫章氏兄弟承續承績承保也是秋捻逆平沈氏嫂來歸返保定度歲

八年己巳二十七歲

赴大名館所范公升山東鹽運使同赴濟南館  
於運署冬赴淮安接王氏姊歸甯遵陸返保定  
度歲第三女續生

九年庚午二十八歲

赴濟南館所范公升山西按察使又調直隸按  
察使同至保定館於臬署遷居史家姑子菴

十年辛未二十九歲

在保定入都會試中式第五十七名殿試誤書  
越幅列三甲第一百九十一名朝考二等第十  
四名引見歸班銓選仍返保定臬署館次

十一年壬申三十歲

在保定

十二年癸酉三十一歲

在保定秋送生徒赴京鄉試歸移居康家胡同  
時李文忠公爲直隸總督奏修畿輔通志聘貴  
筑黃子壽先生彭年爲總纂開局於省城古蓮  
華池網羅才俊一時文士輻輳是冬予承延聘  
爲襄纂予究心義理之學有年見舉世胥尚通  
脫以道學爲詬病意謂古道不能行於今世內  
頗自餒及見黃先生言行一出於正毅然無所  
撓始知今之世猶有不隨流俗者氣爲之壯益  
用自厲焉後之所就得力於此者爲不少矣

十三年甲戌三十二歲

在志局長子綱章生

光緒元年乙亥三十三歲

在志局遷爲分纂春李少石太守文杏署易州約閱童試卷游紅崖山瞻西陵秋截取到班入都投供卽送生徒鄉試

二年丙子三十四歲

在志局 登極恩詔有殿試書寫錯誤許再赴試之條四月入都呈請於禮部具奏未允而返冬言路條奏進士截取人員許請分發捐指直隸入都驗放十二月到省仍在志局供差清苑縣鄒岱東大令 振岳稟請委在縣署幫審

三年丁丑三十五歲

在志局十月奉藩司委查辦涑水縣車廠村禮王府圈地案車廠村在涑水縣西北山麓村地三十餘頃有十餘頃爲佃種禮王府獵戶之地

餘皆民業也同治間以欠租涉訟奸猾之徒勾結王邸家奴誣指合村皆王府產挾縣令插旗定界勒交重租村民不服結訟累年瘐死囹圄叩閩蹕路卒不得直予奉委會同漵令陳君杰親詣履勘廉得其情繫王邸奴子痛懲之白諸上官力請奏明提省澈究上官未盡用吾言委大員覆勘從事調停獨其逋負輕其租額民既得釋重累亦卽隱忍而罷是歲先兄歸葬先大夫之柩於蘇州榮家山新塋

四年戊寅三十六歲

在志局歲亢旱近畿荒歉饑民麇集省會與朱亮生采吳甸侯建勳創設平粥會集資屑高粱煮粥賤價賣與貧民立廠於四關執事者皆城

紳每日來食者數千人旋宮設粥廠於各關鄉辦未盡善督帥李文忠公在天津聞有弊端檄委董亦三大令汝緘與予爲總查逐日分赴各廠稽察有委員劉某日運米一囊於家誤置予車中旋覺悟取去事聞劾罷之是冬歲事全活甚衆

五年己卯三十七歲

委署臨榆縣知縣四月奉母挈眷屬赴任縣隸永平府卽以山海關城爲縣城同城有山海關副都統駐防旗營山海關通判北倚山南濱海東界奉天北界熱河民情愚直太守游公智開循吏也述其爲州縣時終日坐於二堂重門洞開旁無吏役讀書治事如在書室民有呼籲者

喚入問之應鞠訊乃召吏役以故官民無阻闕  
予服其得居敬行簡之道欲效之而懼不能因  
略師其意變通爲堂規每日晨起閱公牘畢升  
坐二堂開啓重門吏役畢集面授稿牘於吏牌  
票於役吏所擬繕皆面呈役所傳到皆面報事  
畢而退民有呼籲者隨時出坐親問故閭人不  
能隔吏役吏役不能隔民人自此爲始作令二  
十餘年咸率行之駐防旗人素跋扈縣令權不  
屬不能約束適獲窩竊犯哈春泰旗人也審實  
例應銷檔發縣例辦已具文達旗署右翼協領  
來言旗人犯竊銷檔本管各官皆有處分請免  
銷檔交還本旗按旗例懲處必治以重罪問治  
何罪曰可發黑龍江充當苦差予以窩竊本罪

亦不至此今不舉本案何以能如此之重曰旗  
例所屬旗人有犯但不安本分屢次滋事咨部  
即可發遣黑龍江不必指明何事也予始知國  
家之待旗人恩重於民而法亦嚴於民蓋以兵  
法御之也卽允之哈春泰果發遣黑龍江自此  
旗人頗知畏法副都統祥公享讀書人頗持正  
與予甚相得任中頗得其力也是歲雲溪堂兄  
舉順天鄉試

六年庚辰三十八歲

先兄以同知分發北河到省予六月交卸以天  
暑太夫人有小恙賃邑孫氏屋暫居暢游山水  
九月奉母挈眷返省城行至中途得檄會忠襄  
公督師駐防山海關調司文案到省卜居揚淑

胡同仍返關城入忠襄幕中

七年辛巳三十九歲

春序補南皮縣知縣三月撤防隨忠襄至天津  
回保定夏署保定府譚子韓同年約閱童試卷  
考得古籌算之制製籌試之易簡而廣大自此  
始究心籌算十二月赴南皮任

八年壬午四十歲

南皮南境與甯津交界甯津素有賊黨糾合多  
人往來行劫於天津山東一帶土人稱爲黑團  
聲勢甚熾其首陳二居於甯津之李莊正月獲  
賊徐花張木起爲黑團之黨捕役張永順鄉居  
陳二率衆執械入其家並其妾劉氏劫去俱殺  
之子白上官會同樂字營管帶李總鎮金堂親

率兵役夜至李莊掩捕陳二逸去獲其黨數人而歸是役也予未及卒事奉諱去後任獲陳二與其黨咸誅之黑團遂絕迹二月先太夫人歿於保定聞訃丁憂去任奔喪返省抵寓始知沈氏嫂亦歿與先兄共居喪喪禮悉遵會典通禮冠經衰裳考古制爲之按儀禮喪服疏三王用唐虞白布冠白布衣爲喪服爲喪服用古衣冠不用當代冠服制度之證大清通禮載有衰麻冠經屨杖之文皆與古制無異是遵古制正所以遵國制也秋先兄奉柩南歸營葬津海關道周公覆檄予爲洋務文案客天津關道署中

九年癸未四十一歲

在天津二月返保定行小祥祭禮降服服闋起

復到省移本房眷口於天津全眷仍在省以隨  
辦洋務保加同知銜是歲著古籌算考釋等韻  
一得成

十年甲申四十二歲

二月在天津行大祥祭禮五月送眷返保定行  
禫祭禮補完縣知縣關道周公因病請假盛公  
宣懷署事文案事仍舊九月到完縣任長女緇  
適孔氏壻繁淦內弟雲甫子也就姻於署中七  
叔父自南來署

十一年乙酉四十三歲

在完縣任

十二年丙戌四十四歲

在完縣任恭辦 東陵薊州屬桃花寺道差事

畢游盤山宿山頂大雪下山出入雲中及至山下則非雪而雨也

十三年丁亥四十五歲

在完縣任十二月調署蠡縣交卸後在署度歲十四年戊子四十六歲

正月到蠡縣任四月先室孔夫人以疾卒於縣署是年先兄署大名同知年終交卸

十五年己丑四十七歲

在蠡縣任先是戶部以順直兩屬荒地並旗產地畝議租議賦酌擬章程奏頒遵行督帥飭司遴派牧令中熟悉利病情形之員籌議予在完縣任內酌擬查辦荒地章程八條詳咨立案是歲省城設清賦局兩司主之督飭各州縣遵辦

簡易便民呈報踴躍升科地畝數月已得三千餘頃惜爲言路妄陳次年卽撤局未竟全功

十六年庚寅四十八歲

在蠡縣任畿輔州縣向有道差之役遇 駕謁兩陵各屬或出夫修道或出費支應或出馬應用皆科之民間相沿稱爲大差蠡邑歷派支應與馬匹二者科之於民舊有定額用有所贏官多入已莠民有所挾每以上控抗官斂資自肥是歲恭遇 謁陵蠡又二者兼派予張示告諭專令民間出支應一款以爲二事之用免出馬差如有所餘存庫以備公用並陳明上官立案事畢餘錢千餘緡皆存公中計民間少出者一千餘緡官少入已者三千餘緡而歷藉上控大

差肥已之徒仍控諸府司府司以予陳明在先知其不實駁之乃控諸都察院奉文提郡審訊予痛陳其弊請嚴懲卒坐誣科以徒罪蠡邑好訟之風爲之一戢納妾牛氏新樂人同年周鐵珊大令婢也六月大雨連數晝夜廨署內宅正屋東一間傾圮女紡績均覆於下幸未傷縣境豬龍河決被水成災秋後乃堵築合龍是歲補行十五年大計保薦卓異調補吳橋縣知縣先兄復署大名同知旋補授

十七年辛卯四十九歲

正月卸蠡縣任二月涖吳橋任兼署教諭訓導女紡適秀水陶氏婿葆廉勤肅公子也時勤肅由陝藩升新疆巡撫入覲道出吳邑卽留以就

姻於吳署妾牛氏病亡子綱章娶婦王氏濟甯  
王叔廉女也七叔父歿於署編各國約章纂要  
成

十八年壬辰五十歲

在吳橋任籌資購書一萬餘卷藏於尊經閣俾  
邑人隨時借觀仿黃子壽先生主講蓮池書院  
時成法命諸生讀書各作筆記呈閱評隲獎賞  
而鼓舞之刻曾文正公督直隸時所作勸學篇  
附以黃子壽先生蓮池學規三則於後以示諸  
生東南鄉蝻孽萌生偕同城教佐親往督民捕  
治兼出資收買旬餘盡絕得不成災冬納妾潘  
氏樂陵人潘爲樂邑著姓舊族以歲饑鬻於陽  
信族兄步斗家爲婢隨其女贈嫁馬氏馬爲農

家而讀書者大凡納妾非小家女卽大家婢而此妾爲大家女小家婢故有舊家遺風而無富貴習氣也

十九年癸巳五十一歲

在吳橋任勸設里塾里塾者仿古家有塾之制也尚書大傳曰二十五家爲閭同共一巷巷首有門門邊有塾里中之老有道德者爲左右師坐於兩塾以教里中之子弟耨鋤已藏新穀已入歲事已畢皆入學立春出學傳農事是在學者冬月而已其三時則緣南畝務農功焉先王之制家有塾黨有庠術有序國有學國之學術之序黨之庠所以教秀民以備國家之任使也家之塾所以教凡民使人人知爲人之道也今

天下皆設學郡邑又往往建書院立義學以輔之教秀民之道稍稍修舉而凡民之教闕如天下秀民少而凡民多秀民有教凡民無教則受教之民少不受教之民多非所以化民成俗也因略師古意爲里塾之制酌定規條普勸建設在城每街在鄉每村各設一塾或數塾每年秋收後十月初開學歲底散學專以 欽頌六諭

聖諭廣訓及弟子規小學等書教授不授他書 六諭弟子規小學內篇熟讀講解 聖諭

廣訓小學外篇但須講解不必熟讀並教以跪拜習禮書皆官發並於因公赴鄉時親往抽查酌加獎誠王氏姊卒於署孫女萃生女績適寶應劉氏婿啓彬前在津海關道同事丹庭弟也

就姻署中著籌算淺釋成

二十年甲午五十二歲

在吳橋任次子健章生中日失和戰於遼東天津設防吳邑當山東至天津孔道山東以南諸省所調兵皆出吳境供億繁重疲於應接勞瘁不能勝冬與鄰封諸邑會哨於陵縣之神頭鎮爲炭氣所熏暈絕復蘇歸來覺心氣不甯日益憔悴是歲著堦積籌法成

二十一年乙未五十三歲

在吳橋任患心悸不眠怔忡之疾不能理事延兩醫於署中日事藥餌請委員幫審道委洪述軒君壽彭來未幾以事去又委熊文淦君紹誦來自春至冬不愈乃請給假省司卽委熊君代

理仍令在署養病交卸後乃漸向愈是歲第四女緜生大計復保薦卓異

二十二年丙申五十四歲

四月病體就痊以兩次卓異並十年俸滿請引見赴津省請咨入都六月引見奉 旨回任每

次卓異加一級註冊候升到省未回任調署清苑縣知縣八月到任冬兼理保定府同知

二十三年丁酉五十五歲

在清苑任督部王公明保傳 旨嘉獎直省陋

習偶因雨澤愆期鄉民輒糾衆昇神像至各官廨挾令本官跪拜賞錢予檢 聖訓乾隆十二

年奉有 諭旨嚴禁是夏得雨稍稀出示禁止並恭錄 諭旨設於大堂初有來者曉示之卽

退六月有韓村等二十餘村糾衆二三千人昇神像鳴金鼓而來予升堂再三開導不聽喧厯肆鬩擊毀几案子始終與之相持良久乃去稟明上官批令嚴究予閱其無知薄懲之而罷秋又兼護保定府同知先兄以山東河工奏調開缺卸任赴山東

二十四年戊戌五十六歲

閏三月卸清苑縣事赴滿城游抱陽山訪李鑑堂中丞又至完縣一行五月回吳橋任冬冢婦王氏歿於署是歲著衍元小草籌算分法淺釋籌算蒙課成以籌算蒙課發各里塾傳習

二十五年己亥五十七歲

在吳橋任義和拳教門者白蓮教之支流也其

源出於八卦教中之離卦教嘉慶間懲禁有案而根株未能盡絕直東州縣猶有潛相授受者上年其黨類在山東冠縣以仇天主教爲名聚衆爲亂而官民皆目爲義民縱容姑息其勢日盛予考出其教派源流出示諭禁又引據嘉慶十三年諭旨嘉慶二十年那文毅公奏疏刊義和拳教門源流考分布城鄉廣爲勸導縣境初尚無信從者而鄰近之故城景州阜城東光等邑皆有焚燬教堂聚衆抗官之事景州請兵督帥遣樂字營往與戰勝之留防於景十一月晦縣屬龐家橋突有德州拳黨勾結縣民聚衆二三百人焚教堂一所教民六家殺不奉教平民一人予急調景州兵至其衆已去獲餘黨十

餘人十二月五日又聚數百人於辛集聲將報復予遣兵往彼列隊迎敵擊殺九人生擒十餘人內有節小廷者其黨之二師兄也號稱能降神附體予升堂鞠之啓重門任民縱觀令其當衆試驗踞坐口作神言捽下答之號呼不能復作神狀請諸上官戮之與陣殲諸人皆傳首示衆餘沿罪有差民間有被誘習者改悔免罪各村皆取結不得信從闔境遂皆絕迹予以所刊源流考徧呈上官具牘力陳防範懲禁之策請奏明請旨施行而上官置不省是年補行上年大計復保薦卓異著古籌算考釋續編成一  
二十六年庚子五十八歲

正月與教士議結拳黨燬教堂及教民家屋之

案命工匠實勘估計教堂賠銀二百餘兩教民  
六家共賠銀二百餘兩責諸拳黨家屬是月奉  
旨示禁義和拳各長官皆出示頒行予刻爲  
奉禁義和拳彙錄於識語內痛陳其害五月義  
和拳黨入京師上下皆縱容予知不合於上於  
義當去適奉文調取引見乃請卸任六月受代  
卽請修墓假開缺至曲阜暫居於孔氏是月選  
授吏部稽勳司主事又請於主事任內給假閏  
八月由濟甯乘舟循運河至蘇州居醋庫巷冬  
至嘉興桐鄉杭州一行浙撫惲公訂入幕之約  
返蘇得陶督自武昌來函時張文襄公方督鄂  
介陶督相招以浙約在先辭之十二月葬先室  
孔夫人於榮家山新塋並自營生壙是歲綱章

續娶邵氏就姻於績溪攜歸蘇州先兄改官江蘇亦至蘇州

二十七年辛丑五十九歲

正月惲公奉諱去任張文襄復來電相約允之二月移家嘉興居徐家埭將於三月赴鄂晉撫岑公奏調赴晉奉 旨俞允電浙行府縣敦促鄂約在先而晉奉 朝旨事處兩難徘徊不決連夕不寐心疾復發因兩辭之就醫於青浦朱家角陳蓮舫家返至上海盛公宣懷以南洋公學總理相屬謂地偏事簡風景清曠藉可養痾勉應其命居兩月病如故復辭歸嘉興又就醫於石門令林君服其藥有效至杭州僦居西湖僧院養月餘 而漸瘳時浙省設大學堂以原設

求是書院改建巡撫任公聘予主之攜眷至杭  
留綱章夫婦於嘉興家中輯論義和拳文牘書  
函爲拳案雜存是歲桐鄉桐溪書院以策論課  
士邑宰方雨亭君家澍聘予主課寄卷評閱自  
是爲始歷任因之至丙午科舉停乃罷子綱章  
入縣庠陶氏女紡歿於廣東

二十八年壬寅六十歲

在杭州學堂上年奉 上諭各省所有書院於  
省城均改設大學堂其教法當以四書五經綱  
常大義爲主以歷代史鑑及中外政治藝學爲  
輔此堂以舊設求是書院改建予以植基立本  
之道以德育爲要 御纂性理精義中學類治  
道類括聖功王道之全尤爲學者當務之急因

錄此兩門鉛印爲學堂課本求是書院屋宇本  
僧寺所改大殿佛像猶存予請諸當道遷去佛  
像奉先師孔子配以浙省從祀廟庭諸賢儒暑  
假時回桐鄉一行買屋於南門內宏遠橋買田  
於石門灣八月長孫元裳生命子綱章先攜嘉  
興眷屬移歸桐鄉九月爲予六十生日先兄由  
蘇州來予兄弟率子姪輩與樊芥軒金月笙謹  
齋昆季胡紹錢等飲於四湖理安僧寺中十二  
月先兄在蘇州病劇往視之旋歿歸返桐鄉度  
歲

二十九年癸卯六十一歲

正月赴蘇州奉先兄柩葬於榮家山新塋挈其  
眷屬返桐鄉開學時回杭州三月學生有因失

物迫脅司事者予斥退六人他學生結黨滋鬧脅衆告退者八十餘人予不爲所動內被脅勉從者多密自陳明來歸不足之數別招考以足之適奉文改爲高等學堂予招陶壻葆廉爲協理夏心疾復發秋以陶壻兼代乞假歸桐鄉養病

三十年甲辰六十二歲

在家攝養病漸瘳經營新居蒔花竹於庭藝菜於圃有屋四楹後壁傍河而無窗開窗臨水隔以書欄課子姪輩讀書於其中顏廳事曰學稼堂八月瀏陽李勤恪公自閩移督兩江來電相招到滬相見偕赴金陵入幕府九月李公薨於位端忠敏公以蘇撫攝篆仍相留繼任者爲周

玉山督部本故交也留幕中如故十一月回桐鄉至杭州一行復歸度歲是歲酌分田產與姪輩使之各爨

三十一年乙巳六十三歲

春攜眷赴金陵道出鎮江游焦山秋陳請督部周公設簡字學堂簡字者拼音字也甯河王小航氏造官話字母行於北方予見其譜知爲普及教育之利器顧原譜專用官音不能通行於南方予增其母韻聲號爲增訂合聲簡字譜一編而甯屬各府縣及皖屬各處語音相近之處皆可通行又爲重訂合聲簡字譜一編而蘇州及蘇屬各郡縣及浙省語音相近之處皆可通行先設於金陵任程君一夔爲總理並奏明立

案

三十一年丙午六十四歲

在金陵秋督部周公授兩廣總督去任端忠敏公繼其任仍留幕府孫女茹生是歲輯簡字叢錄

三十三年丁未六十五歲

在金陵十一月初六日奉 電旨勞乃宣樊恭煦丁仁長繆荃孫宋書升湯壽潛郭立山均著來京預備召見聞命惶悚以天寒衰軀多病乞假數月俟春暖再行赴都是歲作簡字全譜並刊京音簡字述略

三十四年戊申六十六歲

春返桐鄉並至杭州一行道出鎮江游金山山

已在陸地回金陵附江輪至漢口乘火車經保定天津於四月到都蒙 召見於頤和園奉

旨以四品京堂候補在憲政編查館行走到館奏派參議並考核專科總辦又奉內閣會議政務處奏派幫提調 召對時面奏簡字之用

諭令具奏退而具疏以所撰簡字諸書進呈請飭下學部考核勒爲定本呈候 欽定頒行天下一體傳習奉 旨學部議奏秋接金陵眷屬入都居衍聖公府

宣統元年己酉六十七歲

在京師正月至保定天津一行二月奉 旨呈進經史國朝掌故各國歷史講義著仍派榮慶陸潤庠張英麟唐景崇寶熙朱益藩添派熙彥

喬樹枏劉廷琛吳士鑑周自齊勞乃宣趙炳麟  
譚學衡輪班撰擬並著孫家鼐張之洞總司核  
定進呈議定予任憲法一門輪日撰擬進呈有  
時宣召面講具疏奏請造就保姆輔養聖德奉  
旨留中又具奏請於簡易識字學塾內附設  
簡字一科並變通地方自治選民資格奉 旨  
學部議奏

宣統二年庚戌六十八歲

在京師與趙竺園汪衮甫同設簡字研究會欽  
選資政院碩學通儒議員理藩部奏派諮議官  
六月簡授江甯提學使憲政編查館奏請暫留  
緩赴新任九月資政院開會十二月閉會憲政  
編查館乃奏請飭赴新任法律館奏進新刑律

先下館議後交院議予以中有數條於父子之  
倫長幼之序男女之別有所妨在館具說帖修  
正見採一二未克全從在院又倡提修正案署  
名者百餘人會議時否決一條可決一條可決  
者爲移改和姦無夫婦女罪用記名投票法表  
決同意者七十七人投白票不同意者四十二  
人投藍票時有勞黨及白票黨藍票黨之稱餘  
者未暇議及而已閉會應留待來年開會再議  
因有新刑律修正案彙錄之輯是歲自號曰朝  
叟

宣統三年辛亥六十九歲

正月請 訓二月出都由京漢鐵路至漢口乘  
江輪到金陵接印任事赴蘇州謁撫院卽至胥

口木瀆掃墓並游鄧尉而返七月至江北視學  
往返行視揚州清江淮安寶應高郵等處歸途  
游金山適江漲積潦數尺山又宛在水中憶咸  
豐辛亥來游已甲子一周矣八月以資政院召  
集將屆期又奉督院以參預外省官制委赴法  
制院以備諮詢卸任北上由漢口赴都到都聞  
武昌革命之變未幾金陵失陷九月資政院開  
會十月簡授京師大學堂總監督十一月兼署  
學部副大臣甫到任即聞有 遜位之說力不  
能挽乞罷而去時浙亦自立不能歸里乃攜家  
居於涑水之北郭下村涑水者昔年勘車廠村  
禮王府佔地案之地也未去位時先至車廠一  
行村民感念舊事極爲歡迎本欲居之既而以

村地仍歸王府乃不果而居郭下十二月遂聞  
遜位之變矣

壬子七十歲

在涑水典田以習耕稼村人子弟多來問業者  
設塾授之顏曰括囊私塾以將至涑水出都時  
筮得坤之六四也孫女萃適孔氏外孫祥勉子  
健章娶婦黃氏子壽先生孫女也日本一宮房  
次郎來訪一宮爲大阪朝日新聞社社員篤志  
孔孟之學吾國革命後來游將訪求遺老傳述  
於故國以維綱常也偕張筱帆寶瑞臣徐梧生  
諸人同赴易州西陵拜 景廟暫安殿並謁  
泰陵九月徐梧生約游韓家嶺山莊挈健兒同  
往適值予七十生日回憶六十歲理安之游不

勝感喟有詩紀之 毓慶宮侍讀缺人陳伯潛  
寶瑞臣來敦勉以衰老辭之

癸丑七十一歲

春 孝定景皇后梓宮奉移西陵往叩拜山東  
青島爲德國租借地國變後中國遺老多往居  
之德人尉禮賢篤志中國孔孟之道講求經學  
設書院於島境有年與吾國諸寓公立尊孔文  
社浼周玉山制軍來函見招主持社事適館授  
餐情意優渥於十月移家至島十一月 德宗  
景皇帝 孝定景皇后山陵永遠奉安又赴西  
陵隨班行禮返島後日與尉君講論經義諸寓  
公子弟亦有來受業者是歲孔氏孫女萃歿於  
京師著等韻一得補篇成

甲寅七十二歲

青島寓公周玉山呂鏡宇劉雲樵趙次珊童次山李惺園皆年七十餘張安圃六十九陸鳳石自都來王石塢自福山來皆七十餘相約爲十老會飲於周氏齋中各賦詩以紀之袁氏遣使來聘爲參政卻之子綱章自里中來島省視攜綱健兩子緗縝兩女暨孔氏外孫祥柯祥勉祥達同游泰山經曲阜至濟甯掃墓而返青島戰事起遷濟南小住又遷曲阜賃屋寄居辛亥會作共和正解至是復作續共和正解並君主民主平議主張復辟作書致徐菊人轉達袁氏又印行於世新黨大譁不得要領而罷

乙卯七十三歲

在曲阜五月孫元期生孔壻幼雲築室於其後  
圃約予往居八月遷往開軒面圃饒有野趣顏  
之曰塾圃九月挈健至濟甯掃墓十月挈潘妾  
及健還家省視由兗州登火車至浦口渡江易  
夜車至上海居章一山家勾留旬餘晤舊交多  
人附火車至嘉興易小舟到桐鄉又挈健赴杭  
州一行在家居旬餘至蘇州掃墓復附火車至  
金陵小住兩日仍由浦口至兗州而返曲阜  
丙辰七十四歲

在曲阜率兒女至濟甯掃墓爲七叔父立墓碑  
並於冢婦王氏厝所妾牛氏墓各立石碣子綱  
章來省視是歲袁氏稱帝未成旋死陳東塾先  
生有說長白山篇據漢書考得長白山在漢域

丙余作書後一篇以破時人種族之論

丁巳七十五歲

孫元裳娶婦曹氏同邑濮院人二月孫元幹生  
五月奉復辟之 旨簡授法部尚書具疏以衰  
老請開缺俾以閒散備諮詢未達而變作曲阜  
令藍君告以得見逮之牘勸出走又移家青島  
居禮賢書院復與尉君理講經舊業子綱章在  
家屢得新黨呵喝之函攜家遷居曲阜與女細  
同來島上省視皆小住而去是歲作讀音簡字  
通譜

戊午七十六歲

在青島余自壬寅定居於桐鄉先代神主影像  
奉安家祠外出卽不奉以行上年綱章亦出走

家中無人乃奉至曲阜二月緇自曲阜來因命  
奉之以來祀奉於島居緇旋歸去四月日本文  
學博士林泰輔字浩卿持羅叔醞介紹名刺來  
見並贈所著書五月綱章將移家都門來一行  
緇與元裳夫婦同來月杪入京健兒婦與之同  
行歸甯六月幼雲來居數日七月健赴京接其  
婦及兩孫歸緇七月去十一月復來十二月去  
己未七十七歲

在青島緇正月五月閏七月十二月來皆小住  
而去綸姪三月來卽去四月元裳生曾孫於京  
師筮易得否之觀名之曰志疇綱七月來卽去  
閏七月游勞山以山中不靖未敢深入至上下  
九水柳樹臺而返十一月孫元果生文卿婿卒

于家績奔赴寶應健地  
澂如學士輯有 皇朝  
十年止曾經進呈嗣以  
爲之全部訂正于八月  
庚申七十八歲

在青島奧國畫師郎正  
國有名山水人物傳二  
之而去尉君以歐洲遊  
來四月緙績來緙旋十  
子培尚書子也八月亦  
婚禮時緙綱皆來一行  
寶應綱由京回里收和  
歲修訂 皇朝續文獻

題自訂年譜後

偃蹇乾坤一腐儒，老來牛馬任人呼。  
銅仙閱盡滄桑劫，賸有難忘是故吾。

少小埋身故紙叢，白頭還作蠹書蟲。  
青燈回憶兒時味，雪案鷄窗在眼中。

忝將姓氏附傳臚，戢羽依然返故廬。  
此事君恩霑獨厚，歸來補讀十年書。

栽花旋現宰官身，一枕黃梁二十春。  
竹馬兒童多長大，邯鄲猶作夢中人。

兒戲潢池弄鬼兵，投巫小試一方清。  
曉音瘖口無人省，室毀徒留事後名。

吾謀不用拂衣歸，繞屋清流靜掩扉。  
領略鄉園風味好，冬春米軟晚菘肥。

偶作巖公座上賓石城重訪六朝春無端束帛幾  
幾賁又踏長安十丈塵

陳謨載筆侍巖廊講幄風清惹御香更向廣場爭  
禮律任他舉國目爲狂

上庠方愧臯比擁 九廟俄驚七鬯危未見泮芹  
歌獻誠忽聞階羽議班師

築室盈廷社鬼謀坐看魚爛更誰尤鴻飛祇有冥  
冥去回首天閻涕莫收

西山薇蕨慙孤竹東海詩書慕幼安行遯孤蹤屢  
飄泊魯王宮畔又盤桓

癡懷思返魯陽戈一紙空文起大波徒使螻蛄聲  
滿耳斧柯莫假奈山何

取日虞淵願莫酬從今洗耳效巢由箕山潁水知

何是且作人間不繫舟

大耋休嗟絳叟年人生難得是華顛茫茫來日知  
餘幾委化無勞更問天

畢生心迹泯將迎歷徧崎嶇視若平自問非夷亦  
非惠孤懷留待後人評

回頭往事已成烟聊記鴻泥舊日緣自序敢希班  
馬筆願隨五柳傳同傳

朝叟



跋

右朝叟自訂年譜一卷 朝叟者外舅玉初勞公  
晚年自號也 公抱經世才作令畿甸十餘年怡  
然自慊民懷其德上官亦雅重之顧罕能援引循  
資按格歷經俸滿大計始內升主事建議請當道  
奏明懲禁拳匪卒格不行乞假歸老復用薦舉擢  
京堂侍 講筵 簡提學使與議憲政監督大學  
署學部副大臣駸駸嚮用而 遜位議起退耕涑  
陰又居青島授經於遠人轉徙濟泗間三謁 陵  
寢黍離之悲有非並世所可共喻者辛酉六月十  
七日以微疾卒於島寓年七十有九其年秋葬木  
瀆榮家山祖墓年譜之編創於乙卯迄於庚申別  
有題後詩十六首公子闇文篤文後錄付印悉依

手稿無稍增損辛酉年事公未自記是年當重讌  
鹿鳴古禮雖廢 主上齒 賢念舊 頒賜御書丹

心黃髮額既而凶問上達 賞銀治喪復 賜循

吏通儒額身後榮哀固無餘憾矣 公負重望中

外仰若靈光精神強固宜躋上壽而竟止於斯何

天之不憖遺耶葆廉受知最深乃因養病海隅未

及訣別痛哉還憶光緒己丑悼亡前室 先勤肅

公聞 公次女賢屬世丈何退庵茂才丁季莘孝

廉爲冰上人得諧秦晉辛卯夏詣吳橋縣署成婚

於是有掛冠結鄰之約不意勞恭人來歸甫十年

而沒葆廉尋失怙奔走於外奉教時少惟癸卯於

浙校丁未於金陵督幕庚戌辛亥於京師資政院

追隨較久見 公誦服儒先跬步不苟於古今政

法四裔情勢靡弗研求和平通達明決幾先故遇事從容展布毅然不撓自辛丑以來異說誼誣誣斥民意且美其名曰順潮流拔本決防用夷變夏稱人以頑舊則老成皆仇讎處已以維新則狂且皆神聖朝野耆宿亦或怵於衆口阿世取容公則不然遇有悖倫傷俗與夫政體之徇虛名而貽實禍者往往法語巽言多方匡救於是議會詆排報紙嘲諧權貴嗔怒幾瀕於危而公持正獨立不懼不悔蓋灼見夫下流所趨必至率人爲獸矜邦澁族所以斷斷然師子與氏不得已之辯而冀當世之人萬有一悟也公所著多散佚其存者遺安錄一卷古籌算考釋六卷續編八卷籌算淺釋梁積籌法衍元小草各二卷籌算蒙課分法淺

釋各一卷約章纂要八卷義和拳教源流考一卷  
等韻一得三卷歸來吟二卷簡字譜錄五種五卷  
讀音簡字通譜一卷詩文若干卷今將年譜校竟  
悲 公之遇推論 公之心事附贅數語於後壬  
戌閏五月五日子婿陶葆廉謹跋